

1. Visjon

Kunnskap som byggjer menneske og samfunn.

2. Verdier

Verdiane er markørar for kulturen vår, noko vi identifiserer oss med og står for.

Inkludere

Vi møter alle med respekt og omtanke. Ved å inkludere verdset vi mangfald og fremjar fagleg utvikling, tryggleik og trivsel.

Utfordre

Vi utfordrar etablerte tankesett og arbeidsmåtar. Ved å utfordre fremjar vi danning, kritisk tenking og handlekraft.

Samhandle

Vi utviklar og deler kunnskap og erfaring gjennom samspel internt og med omgjevnadene våre. Ved å samhandle fremjar vi kreativitet, læring, nyskaping og fagleg relevans.

3. Samfunnsoppdrag

Oppdraget vårt er å tilby høgare utdanning, utføre forskning og fagleg og kunstnarleg utviklingsarbeid, formidle kunnskap og bidra til ei samfunnsutvikling som er miljømessig, sosialt og økonomisk berekraftig.

Samfunnet treng forskingsbasert kunnskap og kompetanse for å forstå og løyse samfunnsutfordringar. Vi som institusjon har særleg merksemd på berekraftig samfunnsutvikling, velferd og innovasjon og høg kvalitet og tilgjengelegheit i forskning og utdanning. Det er også viktig å delta i internasjonalt samarbeid for å løyse samfunnsutfordringane.

Vi er eit universitet med ein profesjons- og arbeidslivsretta profil. Gjennom forskning, utdanning av høgt kompetente kandidatar og den tette koplinga vår til samfunns- og arbeidslivet bidreg vi til at kunnskap blir delt og teken i bruk. Vi spelar ei aktiv rolle og tek eit ansvar for å påverke samfunnsutviklinga innan utdannings- og forskingsområda våre.

4. Strategiske ambisjonar og overordna mål

Fram til 2030 har vi tre strategiske ambisjonar og seks overordna mål.

Forsking og utdanning for samfunns- og arbeidslivet

Vi skal halde fram med å styrkje kvaliteten i forskning og utdanning for å fremje eit velfungerande samfunns- og arbeidsliv og for utviklinga av det norske velferdssamfunnet. Forskinga og utdanninga vår er integrert og tett på profesjons- og arbeidslivet. Dette er berebjelken for å byggje menneske og samfunn og bidra til å løyse samfunnsutfordringar.

1. Forskinga vår har høg internasjonal kvalitet og får gjennomslag i samfunns- og arbeidslivet.

Vi styrkjer forskninga ved å vidareutvikle eksisterande forskingsmiljø og byggje fleire nasjonalt og internasjonalt leiande forskingsmiljø. Vi utviklar og gjev prioritet til tverrfagleg forskning som byggjer på fagleg djupnekunnskap. Vi forskar saman med samfunns- og arbeidslivet, aukar den eksterne forskingsfinansieringa og styrkjer innsatsen for å gjere forskninga meir open.

Forskinga blir teken i bruk i utdanningane våre og får gjennomslag i samfunns- og arbeidslivet, også internasjonalt. Forskartalent og dyktige forskingsleiarar får utvikle seg og driv forskingsfelt framover, noko som også gjer oss meir attraktive som arbeidsplass og samarbeidspartnar.

2. Dei profesjons- og arbeidslivsretta utdanningane våre skal dekkje framtidens kompetansebehov.

Vi styrkjer tilbodet av utdanningar med høg kvalitet og med gjennomgåande utdanningsløp til og med ph.d. Kortare utdanningar skal vi kunne innpasse i gradsstudia. Studietilbodet vårt skal vere fleksibelt og tilpassa studentar i ulike livsfasar. Høge søkjartal til studia og god gjennomstrøyming er føresetnadar for å lykkast, og vi arbeider målretta med marknadsføring, relevans og tilgjengelegheit.

Vi har eit inkluderande, mangfaldig og internasjonalt læringsmiljø som er stimulerande og tilgjengeleg. Vi vektlegg studentaktive lærings- og undervisningsformer som engasjerer og fremjar læring på både fysiske og nettstøtta læringsarenaer. Studentar tek del i forking, noko som hevar kvaliteten i utdanningane våre. Praksis er ein særleg viktig læringsarena, og vi skal gje studentar tilbod om praksis i fleire studium.

Ei sterk innovasjonskraft

Høg kompetanse og mangfald blant tilsette og studentar, eit stort geografisk nedslagsfelt og tette relasjonar til samfunns- og arbeidslivet gjer oss til ein sentral innovasjonsaktør. Innovasjonsarbeidet vårt bidreg til sosial, miljømessig og økonomisk berekraft.

3. Ansvarleg innovasjon pregar samhandlinga vår med samfunns- og arbeidsliv.

Ansvarleg innovasjon står sentralt i utviklinga av eit berekraftig samfunn med nye, grøne og konkurransedyktige arbeidsplassar og auka kvalitet i offentleg sektor. Vi byggjer innovasjonskapasitet gjennom forking og utdanning og i samskaping med partnarar i samfunns- og arbeidslivet. Vi legg til rette for at tilsette og studentar omset kunnskap til nye eller forbetra produkt, tenester og metodar.

4. Organisasjonen vår er kjenneteikna av at vi søker forbetring.

Vi organiserer oss slik at vi har høg kvalitet i kjerneverksemda, god brukarorientering og effektiv og berekraftig drift. Gjennom endring og forbetring i eigen organisasjon skal vi styrkje fortrinna våre til nytte for både oss sjølve og samarbeidspartnarane våre.

Ein ambisiøs samfunnsaktør

Som eit profesjons- og arbeidslivsretta universitet fremjar vi vitskapleg tenking, akademisk fridom og kunnskapsbaserte avgjerder. Vi er det inkluderande, utfordrande og samhandlande fleircampusuniversitetet på Vestlandet. Vi er den føretrekte kunnskapspartnaren i regionen, og vi har stort truverd og eit godt omdømme.

5. Vi er eit samskapande universitet med levande campusar som tek ei tydeleg regional rolle.

Vi utnyttar potensialet som ligg i at vi er til stades i heile regionen, og styrkjer rolla vår i den regionale utviklinga. I samskapinga med samfunns- og arbeidslivet tek vi ei leiande rolle, og ved å utøve forking og utdanning av høg internasjonal kvalitet er vi ein sterk brubyggjar og føretrekt samarbeidspartnar. Vi utviklar fleircampusuniversitetet og hentar ut gevinstar av samarbeid på campusane og på tvers av fleire campusar. Vi skal styrkje alle campusane våre som attraktive arbeids- og studiestader kjenneteikna av mangfald, høgt fagleg nivå og kultur for samskaping og læring.

6. Vi deler kunnskap og deltek aktivt i samfunnsdebatten.

Vi set dagsorden og formidlar kunnskap om og frå fagområda våre. Vi synleggjer den kunnskapen vi skaper, og tilbyr ekspertar i det offentlege ordsiftet. Tilsette og studentar har forskningsetisk medvit og vitskapleg integritet. Vi er pådrivarar for at norsk er eit fullverdig vitskapleg språk. Hovudmålforma vår er nynorsk.

5. Realisering og oppfølging

Organisasjonen vår har éin strategi, og denne verksemdsstrategien skal gje organisasjonen ei tydeleg retning med klare ambisjonar og mål. Vi skal gjere strategien kjend i samfunnet rundt oss for å definere oss som eit nytt, profesjons- og arbeidslivsretta universitet – på Vestlandet. Ambisjonane og måla i strategien skal vi konkretisere, realisere og følgje opp på ein heilskapleg og føreseieleg måte. Realisering og oppfølging skal vere ein del av dei gjeldande plan- og rapporteringsprosessane våre. Vi skal revidere strategien halvvegs i strategiperioden.